

適園叢書

張宗祥



通國書舍



張氏藏

西吳里語卷三

吳興宋雷著

趙良漳字景程居饒之餘干宋太宗子恭憲王之後丞相汝
愚曾孫也累世以學行名號賢宗子良漳少學於其鄉先
生饒魯知立身大節及任所至以幹治稱而未嘗干人歷
官大理司直咸漳末廷臣議眾建宗室於內郡以屏翰遂
除良漳知安吉州

本湖州因濟王之變改安吉

先是知州李康遁百事

隳廢良漳至日與僚友論所以守禦之備悉舉行之時歲
饑民相聚爲盜所在蠶起或請兵擊之良漳曰民豈樂爲
盜哉時艱歲旱故相率剽掠苟活耳命僚屬以義諭之眾
皆投兵散歸其不歸者眾縛以獻有掠人貨財詣其主謝

過而還之者良濠勸富民出粟振之嘗語人曰使太守身
可以濟民亦所不惜也其言懇懇足以動人人皆倒囷以
應之朝議尋以徐道隆爲浙西提刑以輔良濠加良濠直
祕閣文天祥去平江潰兵四出剽掠良濠乃與道隆斬捕
數人梟首於市兵少戢已而范文虎遣使持書招降良濠
焚書斬其使元兵逼獨松關有旨趣道隆入衛道隆旣去
元兵至軍其東西門良濠率眾上城守夜就茆舍城上不
歸先是朝廷遣將吳國定援宜興宜興已危不敢往乃如
安吉見良濠願留以爲輔良濠見國定慷慨大言意其可
用也請於朝留戍安吉已而國定開南門納外兵兵入城
呼眾散元帥不殺汝於是眾號泣散去良濠命車還府兵

士止之曰事至此侍郎當爲自全計良漳叱去之乃閉閣
自經有兵士解救之復蘇眾羅拜泣曰侍郎何自苦逃之
猶可生良漳叱曰我豈逃生者耶眾猶環守不去良漳大
呼曰爾輩欲爲亂耶眾涕泣出良漳與其妻雍氏訣妻曰
公能爲忠臣顧妾不能爲節婦耶趙遂爲詩以書几上有
夫婦俱死節成雙之句於是佩印綬南向再拜與妻同縊
死於郡治之集芳軒迄今廟祀

徐道隆字伯謙婺州武義人浙西亂朝廷命輔趙良漳守安
吉道隆措置略定已而命道隆入援臨安元兵至皋亭山
水陸皆有屯軍道絕不通議由太湖經武康臨安勤王卽
日乘舟出臨湖門泊宋村郡守趙良漳旣死德祐二年正

月朔旦追兵及道隆親從三百人殊死戰一軍盡沒道隆見執艦內守者少怠赴水死長子載孫亦赴水死脫歸者言於朝命贈官賜諡立廟安吉今廢

鱸膾唐吳昭德善造時人嘲之曰膾若值吳縷細花鋪若非遇吳費醋及葫江東呼蒜爲葫蘇東坡云吳興庖人斫鱸膾亦足一笑鄉土以此爲盛饌製時鋪成花草鸞鳳或詩句詞章務臻其妙造齋亦甚得法謂之金齋玉膾今時則不尙矣

魚鮓張文規詩云食有吳興鮓蔡寬夫詩話云吳中作鮓多就谿池中蓮葉包爲之味比瓶缶中者尤佳白居易詩云就荷葉上包魚鮓當石渠中浸酒尊是也

王冠先字道玄烏程人少有義行仕齊爲給事中使蠕蠕國
蠕蠕欲屈其拜冠先執節不從以刃臨之乃曰能殺我者
蠕蠕也不能以天子使拜夷狄者王冠先也遂遇害

宋澤熙中有錢三翁者衣納茹素脅不霑席者五十年俗呼
布衲翁時德清建阜安橋屬主其事一夕謂其徒曰翌朝
有饋醬謹視之明日果有青坡村民獻醬二甕探之得銀
二笏以充橋費人異其前知嘗摩娑橋曰此可過五百年
寶慶丁亥秋震風淩雨民廬寺觀多壞此橋屹然中流片
瓦不搖

元兵伐宋至巴陵女子韓希孟者魏公五世孫嫁賈尙書之
子瓊岳州破被擄明日以衣帛書一詩自投於江而死長

興州判官沈思安嘗托劉元履丐趙子昂爲書其詩元履諾而未言一夕夢一婦人云趣爲我求書庶因大人君子之筆發攄幽憤松雪聞而異之乃爲寫一通其詩載輟耕錄

元至正十六年二月張士誠分兵下湖州一鼓而得易爲吳興郡改元天祐以其壻潘元紹爲左丞鎮吳興元紹在郡嘗以府學基陟僻隘贖城北莘氏地及天寧寺圃以爲廟學之基又以郡城廣大難守規而小之以人依橋高不可過馬剗而平之潘驕侈娶美倡數十內一爲蘇氏才色兼美醉后尋其罪斬之以金盤薦其首於客宴王師下湖州中山武寧實臨之正兵駐舊館潘率眾迎戰奇兵由

太湖大錢港昆山谿入郡城潘伏誅臺城投其首於溷

宋鄭如幾字維心宣和閒隱於德清之龜谿從葉夢得沈與
求學嘗以陳壽三國志紀載無法作魏春秋凡裴松之所
注悉正之張九成疑其予操黜備移書難之如幾論辯數
千言大率謂操固有罪獨

原缺

西昌縣志

卷四

其千歲縣志書之

刻書三國志縣志

字亦宜詳開列

附大德社里山嶺人部

帖十卷又註聖濟經有見南山集五十卷長興錢
几君馮年八十歷見邑中登科第其榜籍爲圖屬
燾作進士題名記

唐辛祕元和中爲湖州刺史李錡遣將先取支郡蘇常
杭睦四州刺史或戰敗或爲拘脅祕召將夜開門收
壯士數百人逆賊大戰斬其將進焚營堡郡境獲安
錡平賜祕金紫敕書褒戰功記唐憲宗賜刺史辛祕
及慰問將士詔書也舊在府治甲仗庫前又時元佐
撰湖州紀功記紀祕平賊之功云

朱宣和中有祝先生者自言關陝人寓德清之新市與
胡生者厚一日謂胡曰前日自衢婺來沿途水土腥

西吳里言卷三
雲氣惡不久當變自彼起未幾方臘作亂起自青溪
胡欲遠避祝止之曰茲乃吉地正堪避難也胡有親
黨自崇德欲避之雪川因扣其所宜曰崇德并邑沿
塘恐不能免塘下墟落皆無賊害不久授首矣已而
果然陳通之擒兀朮之遜皆預知之

莫君陳字和中歸安人從安定先生學登嘉祐二年
進士與東坡爲同年家規嚴肅教子弟以義方長
子砥字彥平次子礪字彥輔砥嘗知永嘉增養士
之額立生祠砥子伯虛守温州後守常州有瑞梅
甘露秀麥嘉禾之祥伯虛長子濛見別條次子漳
登進士淳熙初知仁和時有出入德壽宮者怙勢

專橫漳於宮門外俟其出禽而撻之高后怒孝宗降漳一
秩漳子柯登戊戌進士孫烈知建昌府礪子伯鎔伯鎔三
子濟汲冲皆擢進士濟尤知名湖州一姓顯達莫氏其最
矣莫氏世居月河月河舊有莫郎中園今廢

宋賈安宅字居仁烏程人收之從孫年十八入太學二十二
大觀三年廷試狀元先是湖州進士曾未有魁天下者而
廷試第一自安宅始除校書累遷至戶部侍郎建炎中爲
給事中封駁無所顧忌歷仕三朝累司文柄貢舉得人徽
宗嘗手詔獎諭之弟安常宣和二年進士子選詳明典故
通達法理後爲刑部侍郎安宅荅谿詩云廣荅山下有深
源發此清流去不渾直抵太湖三百里滔滔流入海天門

西華書卷三
吳侗字公度烏程人明經術善言語幼時補太學生崇寧五年試禮部中第一吳興自開寶以來魁禮部者惟侗耳鄉人榮之仕至刪定官

陳吳興孝義寺碑散騎常侍御史中丞徐陵撰唐銀青光祿大夫湖州刺史上柱國常侍之十代孫嶠之書

元湖州角妓汪憐憐美姿容善雜劇涅古伯經歷甚屬意焉汪曰若不棄寒微當以側室處我涅遂備禮納之克盡婦道人無閒言數年涅沒汪髡髮爲尼公卿士夫多訪之汪汨其形容以絕眾之狂念而終身焉

宋吳興陳繹曾字伯敷官至翰林編修博學有才尤善真草篆書嘗言參政王公繼學自筮仕京師游宦四方久去鄉

及拜中書參議歸省逮里門舍騎徒步遇者輒拜過市有

老翁坐肆公趨拜肆下翁倨坐曰小大

北方卑幼之稱

久不見汝

汝來奚自公曰自京師翁曰仕否公曰忝參議中書翁又

曰朝廷官爵不可得在意公逡巡拜謝翁倨坐如故吁中

原習俗之厚王公謙德之隆宜乎陳編修之樂道之也伯

敷曾題楊妃上馬嬌圖曰此索清平調赴沈香亭時耶抑

聞漁陽鼙鼓聲赴馬嵬坡時耶上馬固相似情狀大不同

觀者當審諸

吳興故鄣縣東三十里有梅谿山山根直豎一石可高百餘

丈至青而圓如兩閒屋四面斗絕仰之千雲外無登陟之

理其上復有盤石圓如車蓋恆轉如磨聲若風雨土人號

爲石磨轉疾則年豐轉遲則歲歉驗之無失

宋沈作賓字賓王世爲吳興歸安人以父任入仕知台州以
讒去民請於朝借留不遂爲立留賢碑後知平江郡有使
臣故海寇也作賓使誘至其黨得強勇者幾千人號曰義
士復募郡之惡少亦幾千人號曰壯士於是海道不警累
進顯謨閣學士致仕嘗同梁季琬沈誥高文虎會於官苑
伎人作語譏文虎

王克明字彥昭其始樂平人後徙湖州烏程縣紹興乾道閒
名醫也素自患脾胃疾因讀難經素問刻意處藥其病乃
愈始以術行入蘇湖鍼灸尤精人病雖數證或用一藥以
除其本本除則餘病自去亦有不預藥期以某日自安有

以爲非藥之過過在某事隨其事治之言無不驗魏安行妻風痿十年不起克明施鍼而步履如初胡秉妻病氣祕腹脹號呼踰旬克明視之時秉家方會食克明謂秉曰吾愈恭人使與食可乎以半硫圓碾生姜調乳香下俄起對食如平時廬州守王安道風噤不語克明令熾炭燒地灑藥置安道於上須臾而蘇金使黑鹿谷過姑蘇病傷寒垂死克明治之明日愈後從呂正己使金金接伴使忽被危疾克明立起之卻其謝由是名動北方張子蓋救海州戰士大疫克明時在軍中全活者幾萬人而辭其功克明知書好俠尙義常數千里外赴人之急累任醫官遷至額內翰林院醫痊局賜金紫